

Joachim Stockmann

**Rector Academiae Rostochiensis, Joachimus Stockman, Philos. & Med. Doct.
Physices Professor, ad Exequias quas filiolae ... Sophiae, Vir ... Dn. M. Cunradus
Huswedelius, Ecclesiastes Georgianus, una cum coniuge sua moestissima
paratas cupit, Omnes omnium ordinum cives Academicos ... invitat**

Rostochi[i]: Pedanus, 1633

<http://purl.uni-rostock.de/rosdok/ppn771563175>

Druck Freier  Zugang



Stockman, J.,
in S. Huswedel.

Rost. 1633.

28

RECTOR
Academiae Rostochiensis,
JOACHIMUS STOCKMAN,
Philos. & Med. Doct. Physices
Professor,

ad
Exequias
quas

FILIOLAE SUAE MELLITISSIMAE

SOPHIAE.

Vir Reverendus, Humanissimus & Doctissimus,

DN. M. CUNRADUS
HUSWEDELIUS,

Ecclesiastes Georgianus, unâ cum
conjugè suâ moestissima para-
tas cupit,

Omnes omnium ordinum
demicos peramanter insita



ROSTOCHI

Typis JOACHIMI PEDANI, Acad. Typ.
ANNO M, DC. XXXIIL



RECTOR
Academiæ Rostochiensis,
JOACHIMUS STOCKMAN,
Philos. & Med. D. Physices
Professor.



Agricolæ, siquidem
cum terra rationē ha-
bent, quæ nunquam re-
cusat Imperium, nec
unquã sine usura red-
dit, quod accepit: sed aliàs minore,
plerumq; majore cum fœnore; quod
si videant, illam sparsa semina, gremio
mollito & subacto quæ excepit, postquã
occata, non solum cohibere: verum et-
jam complexu suo diffundere, & her-
bescentē inde elicere viriditatem, quæ
suis nixa fibris sensim adolescat, cul-
moq;

moq; erecta geniculato vaginis feliciter emergat, & optatissimam illam frugem fundat, spica si non cōtra quasvis injurias & potentiores rapinas, contra avium tamen morsus munitam, vallo aristarum. Fieri non potest, quin, quoties & suam hanc, & communem simul anni spē ita gradatim per nova indies incrementa ad desideratissimam maturitatem assurgere contemplantur, toties sibi de tanta felicitate gratulentur, &, quæcunq; secum fert sperata messis commoda suæ domui cum magno animi prolubio promittant. Relinquam agricolis quæ illorum sunt, emollitum & subactum agrum, sparsa femina, conceptam spem, speratam messem; neq; huc in comparationem, quod non commode minus quam facile possem, nostræ generationis negotium ex secretioribus Naturæ scrinijs accer-

accesam; de generatrice facultate, &
quintuplici generationis actu, princi-
pijs, organis &c. proluxe differens. Te
compello *Dn. M. Husvedeli* affinis & a-
mice pl. honorande, cujus *ἑμιπλῆς* fuit,
ne dicam imperfecta ab aliquot annis
domus, vel etiam, in secundæ, & tertix
jam perfectionis spem nata prole sta-
tim orbata; Te, qui anno abhinc tertio,
filiolum suavissimum CUNRADUM, &
secundo mellitissimam] filiolam AN-
NAM, utraq; conjugalis amoris pigno-
ra desideratissima, uno die, hunc 17.
Maij, illam pridie feriarum Paschatos,
nasci, renasci, denasci vidisti, & jam i-
terum similem, proh dolor! sortem in
tertia sobole experiris, puella dulcif-
sima SOPHIA, quæ XI. hujus Mensis die,
hora media nona vespertina hunc
mundum cum esset ingressa & per ba-
ptismum regenerata, sequenti statim
die,

die, nudius quartus circa mediū quin-
tæ iterum egressa est. Dic quæso
quod res est, annon cum primo hanc
exciperes, & tanquam optatissimæ
messis pulcherrimam partem ulnis
tuis deportatam, dilectissimæ conjugii,
molestissimo puerperio defatigatæ,
blando cum risu exhiberes, applau-
dentibus, cum alijs amicis, tum socru
charissima, *Sophia Kellermannia*, Magnifi-
ci, Amplissimi & Consultissimi Viri,
Dn. Joannis Kellermanni Consulis olim de
hac Rep. & Academia præclare meriti
filia, pie defunctæ nostræ *Sophiæ* avia ma-
terna, matrona, cum pietatis, tum alia-
rū virtutum splendore insigniter con-
spicua; annō gemino tunc gaudio deli-
bitus, & quod lectissimam tori sociam,
viri admodum Reverendi, Clarissimi
& Excellentissimi, *Dn. Luca Backmeisteri*
senioris, neptem, *Dn. Matthæi Backmeisteri*,

A 3

Viri

Viri Clarissimi & Experientissimi,
Philosophiæ & Medicinæ Doctoris
celeberrimi, illustrissimi & celsissimi
principis & Domini Domini Augusti, ducis
Saxonia, Angaria & Westphalia, Archiatri,
& Reipublicæ Luneburgensis physici
meritissimi filiam, foeminam multis
præclaris dotibus ornatissimam, suo
pondere tandem feliciter liberatam
videres, SOPHIAMQ; tuam, quam frustra
indies exspectaras, jam manibus & am-
plexu tuo detineres, Annon exulta-
sti, quomodo solent tempore messis a-
gricolæ, & qui maturas ex vite colli-
gunt uvas? Quid igitur, quid jam
contrahis frontem, quidni, quos capi-
sti, porro imitari pergis, & cum eos hac
in parte non possis, neq; si posses velis,
qui everfis arboribus, quas aut ventus
radicitus evulsit, aut contortus repen-
tino impetu turbo perfregit, sobolem
ex

ex illis residuam fovent, Eos velim se-
quaris, qui fructuum quorumvis, et-
jam rarissimorum jacturam nullius
astimant, dummodo quæ similes
pariat, superstes maneat arbor. Sed
quæ illa jactura? quod ex amplexu tuo
filiolam dimisisti, in consortium sua-
vissimi fratris, suavissimæ sororis. *Ubi,*
quos hic desiderasset, præter avum
maternum & proavos jam dictos, etiam
avum inveniet paternum, Virum Re-
verendum *Dn. Conradum Husvedelium,*
Beuzenburgensis Ecclesiæ doctorem
fidelissimum qui cum ante aliquot
annos, eó transiret dilectissimam
conjugem, aviam paternam *An-*
nam Meinecken/ sceminam honestissi-
mam, Luneburgæ ex primarijs pa-
rentibus natam invitus hic reliquit vi-
duam. Cæterum, cum beatissimæ
animulæ, hodie, hora prima, com-
muni

munī matri, terræ reddendæ sint
exuviæ, nostrum erit cives Academici,
Dn. Professores, Doctores, Magistri
Ecclesiæ ministri nobiliss. & doctiss.
Studiosi, in templo mariano ad dictam
horam convenire, & in solatium mœ-
stissimorum parentum, & honorem
tantarum familiarum funeris dedu-
ctionem frequentare, Intereaq; DEO,
& vitam & utramq; Remp. ardentibus
precibus commendare, P. P. sub Si-
gillo Rectoratus XV. Januarij ANNO
M. DC. XXXIII.



ex illis residuam fovent, Eos
quaris, qui fructuum quorum
jam rarissimorum jacturam
æstimant, dummodo qua
pariat, superstes maneat arb
quæ illa jactura? quod ex amp
filiolam dimisisti, in consort
vissimi fratris, suavissimæ sore
quos hic desiderasset, præte
maternum & proavos jam dic
avum inveniet paternum, V
verendum *Dn. Cunradum Hl*
Beuzenburger Ecclesiæ d
fidelissimum qui cum ante
annos, eó transfret dilect
conjugem, aviam paterna
nam Meineken / foeminam h
mam, *Luneburgæ* ex prim
rentibus natam invitus hic rel
duam. Cæterum, cum b
animulæ, hodie, hora prim

